

續玉臺新詠目錄

陳後主

日出東南隅行	一
三婦艷二首	一
舞媚娘	一
昭君怨	一
有所思三首	一
折楊柳	二
梅花落	二
徐陵	
洛陽道二首	二
關山月	二
折楊柳	三
春情	三
謝朓	
明月	三
祖孫登	
詠風	三

目錄

周弘正

張正見

詠新婚	三
艷歌行	四
三婦艷	四
白頭吟	四
有所思	四
置酒高殿上	五
採桑	五
銅雀臺	五
怨詩	五
山家閨怨	五
薄帷鑒明月	六
陸瓊	
關山月	六
陸系	
有所思	六
江總	
雉子班	六

攜子上河梁·····	六	南征·····	九
病婦行·····	七	顧野王	
簫史曲·····	七	艷歌行二首·····	九
折楊柳·····	七	吳尙野	
紫騮馬·····	七	詠鄰女樓上彈琴·····	一〇
七夕·····	七	徐堪	
詠琴·····	七	班去趙姬升·····	一〇
和衡陽王殿下高樓看妓·····	八	荀仲舉	
和張源傷往詩·····	八	銅雀臺·····	一〇
別袁昌州·····	八	何楫	
沈炯		班婕妤怨·····	一〇
八音詩·····	八	王瑳	
爲我彈清琴·····	八	折楊柳·····	一〇
劉剛		盧詢	
侯司空宅詠妓·····	八	中婦織流黃·····	一一
吳思玄		李元操	
閨怨·····	九	酬蕭侍中春園聽妓·····	一一
蘇子卿		賀徹	
梅花落·····	九	採桑·····	一一

裴讓之	有所思	王容	大堤女	王德	春詞	周南	晚妝	蕭放	冬夜詠妓	馬元熙	日晚彈琴	蕭撝	嬀婦吟	王褒	古曲	明君詞	盧思道	日出東南隅行
·····	·····	·····	·····	·····	·····	·····	·····	·····	·····	·····	·····	·····	·····	·····	·····	·····	·····	·····
一一	一一	一一	一一	一一	一一	一一	一一	一一	一一	一一	一一	一一	一一	一一	一一	一一	一一	一一

權歌行	有所思	採蓮曲	夜聞鄰妓	薛道衡	明君詞	昔昔鹽	辛德源	短歌行	芙蓉花	虞茂	衡陽王齋閣奏妓	松公瞻	同心芙蓉	李巨仁	和陳王詠鏡	張文恭	七夕	王脊
·····	·····	·····	·····	·····	·····	·····	·····	·····	·····	·····	·····	·····	·····	·····	·····	·····	·····	·····
一三	一四	一四	一四	一四	一四	一五	一五	一五	一五	一五	一五	一五	一五	一六	一六	一六	一六	一六

七夕·····	一六	賦得佳期竟不歸·····	一九
魏彥深		陸瓊	
初夏應詔·····	一六	長相思·····	一九
石榴·····	一六	江總	
丁六娘		東飛伯勞歌·····	二〇
十索五首·····	一七	宛轉歌·····	二〇
僧法宣		烏棲曲·····	二〇
愛妾換馬·····	一七	長相思二首·····	二一
陳後主		梅花落·····	二一
玉樹後庭花·····	一八	雜曲三首·····	二一
烏棲曲三首·····	一八	怨詩二首·····	二二
長相思二首·····	一八	閨怨·····	二二
獨酌謠·····	一八	姬人怨·····	二二
徐陵		內殿賦新詩·····	二二
長相思二首·····	一八	新寵美人二首·····	二三
烏棲曲·····	一九	蕭渚	
沈君攸		長相思·····	二三
薄暮動弦歌·····	一九	顧野王	
張正見		艷歌行二首·····	二三

王瑓	長相思	徐伯陽	日出東南隅行	岑之敬	烏棲曲	傅緯	雜曲	魏收	挾琴歌	王褒	日出東南隅行	燕歌行	高句麗	隋煬帝	白紵歌二首	盧思道	從軍行	薛道衡
二四	二四	二四	二四	二四	二四	二四	二五	二五	二五	二五	二六	二六	二六	二六	二六	二六	二七	二七

豫章行	辛德源	東飛伯勞歌	虞茂	白紵歌二首	陳後主	自君之出矣	舞媚娘	許惲	破扇	張正見	明君詞	江總	長安九日	賈馮吉	自君之出矣	蕭琳	隔壁聽妓	陳叔達
二七	二八	二八	二八	二八	二八	二八	二八	二八	二八	二九	二九	二九	二九	二九	二九	二九	二九	二九

詠空鏡臺·····	二九	詠春雪·····	三二
殷謀		李月素	
日出東南隅行·····	二九	贈情人·····	三一
陳少女		羅愛愛	
寄夫·····	三〇	閨思·····	三一
馮淑妃		秦玉鸞	
感琵琶弦·····	三〇	憶情人·····	三一
周明帝		蘇蟬翼	
詠摘花·····	三〇	因故人歸作·····	三一
隋煬帝		張碧蘭	
江陵女歌·····	三〇	寄阮郎·····	三一
喜春游歌二首·····	三〇		
春江花月夜二首·····	三〇		
薛道衡			
人日思歸·····	三一		
何妥			
明君詞·····	三一		
陳伯材			
七夕看新婦隔巷停車·····	三一		

續玉臺新詠

陳後主

日出東南隅行

重輪上瑞暉。西北照南威。南威年二八。開牖敞重闥。當爐送客去。上苑逐春歸。鬢下珠勝月。窗前雲帶衣。紅裙結未解。綠綺自難微。

三婦艷二首

大婦西北樓。中婦南陌頭。小婦初妝點。回眉對月鉤。可憐還自覺。人看反更羞。

大婦上高樓。中婦蕩蓮舟。小婦獨無事。撥帳掩嬌羞。丈夫應自解。更深難道留。

舞媚娘

樓上多嬌艷。當窗併三五。爭弄游春陌。相邀開繡戶。轉態結紅裙。含嬌拾翠羽。留賓乍拂弦。託意時移柱。

昭君怨

圖形漢宮裏。遙聘單于庭。狼山聚雲暗。龍沙飛雪輕。笳吟度隴咽。笛轉出關鳴。啼妝寒葉下。愁眉塞月生。只餘馬上曲。猶作別時聲。

有所思三首

蕩子好蘭期。留人獨自私。落花同候臉。初月似愁眉。階前看草蔓。窗中對

綢絲不言千里別。復是三春時。
杳杳與人期。遙遙有所思。山川千里間。
風月兩邊時。相對春那劇。相望景
偏遲。當由分別久。夢來還自疑。
佳人在北燕。相望渭橋邊。團團落日樹。
耿耿曙河天。愁多明月下。淚盡雁
行前。別心不可寄。惟餘琴上弦。

折楊柳

楊柳動春情。倡園妾屢驚。入樓含粉色。
依風雜管聲。武昌識新種。官渡有
殘生。還將出塞曲。仍作胡笳鳴。

梅花落

金砌落芳梅。飄零上鳳臺。拂妝疑粉散。
逐溜似萍開。映日花光動。迎風香
氣來。佳人早插髻。試立且徘徊。

徐陵

洛陽道二首

綠柳三春暗。紅塵百戰多。東風向金馬。
南陌接銅駝。華軒翼葆吹。飛蓋響
鳴珂。潘郎車欲滿。無奈擲花何。
洛陽馳道上。春日起塵埃。濯龍望如霧。
河橋度似雷。聞珂知馬蹀。傍憶見
薨開。相看不得語。密意眼中來。

關山月

關山三五月。客子憶秦川。思婦高樓上。
當窗應未眠。星旗映疏勒。雲陣上

祁連戰氣今如此。從軍已幾年。

折楊柳

嫋嫋河堤樹。依依魏主營。江陵有舊曲。洛下作新聲。妾對長楊苑。君登高柳城。春還應共見。蕩子太無情。

春情

風光今日動。雪色故年殘。薄夜迎新節。當爐却晚寒。奇香分細霧。石炭擣輕紈。竹葉裁衣帶。梅花奠酒盤。年芳袖裏出。春色黛中安。欲知迷下蔡。先將過上蘭。

謝燮

明月

杪秋佇遙夜。明月照高樓。登樓一回望。望見東陌頭。故人眇千里。言別歷九秋。相思不相見。望望空離憂。

祖孫登

詠風

飄颻楚王宮。徘徊繞竹叢。帶葉俱吟樹。將花共舞空。飄香雙袖裏。亂曲五絃中。試上高樓聽。悲響定無窮。

周弘正

詠新婚

莫愁年十五。來聘子都家。婿顏如美玉。婦色勝桃花。帶啼疑暮雨。含笑似

朝霞暫却輕紈扇。傾城判不賒。

張正見

艷歌行

城隅上朝日。斜暉照杏梁。併捲茱萸帳。爭移翡翠牀。綵環聊向牖。拂鏡且調妝。裁金作小靨。散麝起微黃。二八秦樓婦。三十侍中郎。執戟超丹地。豐貂入建章。未安文史閣。獨步少年場。彎弧貫葉影。學劍動星芒。翠蓋飛城曲。金鞍橫道傍。調鷹向新市。彈雀往睢陽。行行稍有極。暮暮歸蘭房。前瞻富羅綺。左顧足鴛鴦。蓮舒千葉氣。燈吐百枝光。滿酌胡姬酒。多燒荀令香。不學幽閨妾。生離怨採桑。

三婦艷

大婦織殘絲。中婦妬蛾眉。小婦獨無事。歌罷詠新詩。上客何須起。爲待絕纓時。

白頭吟

平生懷直道。松桂比貞風。語默妍媸際。浮沉毀譽中。讒新恩易盡。情去寵難終。彈珠金市側。抵玉春山中。含香老顏駟。執戟異揚雄。惆悵崔亭伯。幽思馮敬通。王嬙沒故塞。班女棄深宮。春苔封履跡。秋葉奪妝紅。顏如花落艷。鬢似雪飄蓬。此時積長歎。傷年誰復同。

有所思

深閨久離別。積怨轉生愁。徒思裂帛雁。空上望歸樓。看花憶塞草。對月想

邊秋。相思日日暮。淚臉年年流。

置酒高殿上

陳王開甲第。粉壁麗椒塗。高窗侍玉女。飛闥敞金鋪。名香散綺幕。石墨彫金鑪。清醪稱玉饋。浮蟻擅蒼梧。鄒嚴恆接武。申白日相趨。容與升階玉。差池曳履珠。千金一巧笑。百萬兩鬟姝。趙姬未鼓瑟。齊客罷吹竽。歌喧桃與李。琴挑鳳將雛。魏君慙舉白。晉主愧投壺。風雲更代序。人事有榮枯。長卿病消渴。壁立還成都。

採桑

春樓曙鳥驚。蠶妾候初晴。迎風金珥落。向日玉釵明。徙顧移籠影。攀鉤動劍聲。葉高知手弱。枝軟覺身輕。人多羞借問。年少怯逢迎。恐疑夫婿遠。聊復答專城。

銅雀臺

淒涼銅雀晚。搖落墓田通。雲慘當歌日。松吟欲舞風。人疎瑤席冷。曲罷繡帷空。可惜年將泊。俱盡望陵中。

怨詩

新豐妖冶地。游俠競嬌奢。池臺閒羅綺。桃李雜烟霞。葢影分連騎。衣香合並車。艷粉驚飛蝶。紅妝映落花。舞衫飄冶袖。歌扇掩團紗。玉牀珠帳捲。金樓鏡月斜。還疑簫史鳳。不及季倫家。

山家閨怨

王孫春好游。雲鬢不勝愁。離鴻暫罷曲。別路已驚秋。山中桂花晚。勿爲俗人留。

薄帷鑒明月

長河上桂月。澄彩照高樓。分簾疑碎壁。隔幔似垂鉤。窗外光恒滿。閨中影暫留。豈及西園夜。長隨飛蓋游。

陸瓊

關山月

邊城與明月。俱在關山頭。焚烽望別壘。擊斗宿危樓。團團婕妤扇。纖纖秦女鉤。鄉園誰共此。愁人屢益愁。

陸系

有所思

別念限城闔。還思樓上人。淚想離前落。愁聞別後新。月來疑舞扇。花度憶歌塵。只看今夜裏。那似隔河津。

江總

雒子班

麥壘新秋來。澤雒屢徘徊。依花似脇妬。拂草乍驚媒。三春桃照李。二月柳爭梅。暫往如臯路。當令巧笑開。

攜手上河梁

早秋天氣涼。分手關山長。雲愁數處黑。木落幾枝黃。鳥歸猶識路。流去不

知鄉。秦川心斷絕。何悟是河梁。

病婦行

窈窕懷真室。風流挾琴婦。唯將角枕臥。自隱啼妝久。羞開翡翠帷。懶對蒲萄酒。深悲在繚素。託意忘箕帚。夫婿府中趨。誰能大垂手。

簫史曲

弄玉秦家女。簫史仙處童。來時兔月滿。去後鳳樓空。密笑開還斂。浮聲咽更通。相期紅粉色。飛向紫烟中。

折楊柳

萬里音塵絕。千條楊柳結。不悟倡園花。遙同秦嶺雪。春心自浩蕩。春樹聊攀折。共此依依情。無奈年年別。

紫騮馬

春草正萋萋。蕩婦出空閨。誰識東方騎。猶帶北風嘶。揚鞭向柳市。細蹠上金堤。願君憐織素。殘妝尚有啼。

七夕

漢曲天榆冷。河邊月桂秋。婉孌期今夕。飄颻度淺流。輪隨月宿轉。路逐彩雲浮。橫波翻瀉淚。東素反緘愁。此時機杼息。獨向紅妝羞。

詠琴

可憐嶧陽木。雕爲綠綺琴。田文垂睫淚。卓女弄弦心。戲鶴聞應舞。游魚聽不沈。楚妃幸勿歎。此異丘中吟。

和衡陽王殿下高樓看妓

起樓侵碧漢。初日照紅粧。弦心艷卓女。曲誤動周郎。並歌時轉黛。息舞暫分香。挂纓銀燭下。莫笑玉釵長。

和張源傷往詩

小婦當鑪夜。夫婿凱師年。正歌千里曲。翻入九重泉。機中未斷素。瑟上已留弦。空帳臨窗掩。孤燈向壁然。還悲塞隴暗。松短未生烟。

別袁昌州

河梁望隴頭。分手路悠悠。徂年驚若電。別日欲成秋。黃鵠飛飛遠。青山去去愁。不言雲雨散。更似東西流。

沈炯

八音詩

金屋貯阿嬌。樓閣起迢迢。石頭足年少。大道跨河橋。絲桐無緩節。羅綺自飄飄。竹烟生薄晚。花色亂春朝。匏瓜詎無匹。神女嫁蘇韶。土地多妍冶。鄉里足塵蹻。革年未相識。聲論動風飈。木桃堪底用。寄以答瓊瑤。

爲我彈清琴

爲我彈清琴。琴鳴傷我襟。半死無人覺。入竈始知音。空爲貞女引。誰達楚妃心。雍門何假說。落淚自淫淫。

劉劓

侯司空宅詠妓

石家金谷妓。粧罷出蘭閨。看花只欲笑。聞瑟不勝啼。山邊歌落日。池上舞前溪。將人當桃李。何處不成蹊。

吳思玄

閨怨

金風響洞房。佳人心自傷。淚隨明月下。愁逐漏聲長。燈前羞獨鵲。枕上怨孤凰。自覺鴛鴦冷。誰憐珠被涼。

蘇子卿

梅花落

中庭一樹梅。寒多葉未開。祇言花是雪。不悟有香來。上郡春恆晚。高樓年易催。織書偏有意。教逐錦文回。

南征

一朝游桂水。萬里別長安。故鄉夢中近。邊愁酒上寬。劍鋒但須利。戎衣不畏單。江南地氣暖。少婦早愁寒。

顧野王

艷歌行二首

夕臺行雨度。朝梁照日輝。東城採桑返。南市數錢歸。長歌挑碧玉。羅塵笑洛妃。欲知歡未盡。棲鳥已夜飛。

東隅麗春日。南陌採桑時。樓中結梳罷。提筐候早期。風輕鶯韻緩。露重落花遲。五馬光長陌。千騎絡青絲。使君徒遣信。賤妾畏蠶餒。

吳尙野

詠鄰女樓上彈琴

青樓誰家女。開窗弄碧弦。貌同朝日麗。裝近午花然。一彈哀塞雁。再撫哭春鵲。此情人不會。東風千里傳。

徐堪

班去趙姬升

班姬與飛燕。俱侍漢王宮。不意恩情歇。偏將衰草同。香飛金輦外。苔上玉階中。今日悲團扇。非是爲秋風。

荀仲舉

銅雀臺

高臺秋色晚。直望已淒然。况復歸風便。松聲入斷弦。淚逐梁塵下。心隨團扇捐。誰堪三五夜。空對月光圓。

何楫

班婕妤怨

齊紈既入篋。趙舞卽凌人。履跡隨恩故。階苔逐恨新。獨臥銷香炷。長啼費錦巾。庭草何須賴。也將秋當春。

王瑤

折楊柳

塞外無春色。上林柳已黃。枝影侵雲暗。葉彩亂星光。陌頭藏戲鳥。樓上掩

新妝攀折思爲贈。心期別路長。

盧詢

中婦織流黃

別人心已怨。愁空日復斜。然香望韓壽。磨鏡待秦嘉。殘絲愁續爛。餘織恐
縑賒。支機一片石。緩轉獨輪車。下簾還憶月。挑燈更惜花。似天河上景。春
時織女家。

李元操

酬蕭侍中春園聽妓

微雨散芳菲。中園照落暉。紅樹搖歌扇。綠珠飄舞衣。繁弦調對酒。雜引動
思歸。愁人當此夕。羞見落花飛。

賀徹

採桑

蠶妾出房櫳。結伴勝花叢。度水春形綠。映日晚妝紅。釧聲時繞樹。衣香自
入風。鉤長嫩枝曲。葉盡細條空。競採須盈手。爭歸欲滿籠。自憐公府步。誰
與少年同。

裴讓之

有所思

夢中雖暫見。及覺始知非。展轉不能寐。徙倚獨披衣。淒淒曉風急。朧朧月
光微。室空常達旦。所思終不歸。

吳尚質

徐堪

荀仲舉

何楫

王琰

盧詢

李元操

賀徹

裴讓之

一一

王容

大堤女

寶髻耀明璫。香羅鳴玉佩。大堤諸女兒。一一皆春態。入花花不見。穿柳柳陰碎。東風拂面來。由來亦相愛。

王德

春詞

春花綺繡色。春鳥弦歌聲。春風復蕩漾。春女亦多情。愛將鶯作友。憐傍錦爲屏。回頭語夫婿。莫負艷陽征。

周南

晚妝

青樓誰家女。當窗啟明月。拂黛雙蛾飛。調脂艷桃發。舞罷鸞自羞。妝成淚仍滑。願託嫦娥影。尋郎縱燕越。

蕭放

冬夜詠妓

佳麗盡少年。合暝不成眠。銀龍銜燭焰。金鳳起爐烟。吹簫先弄曲。調箏更撮弦。歌還團扇後。舞出妓行前。絕代終難及。誰復數神仙。

馬元熙

日晚彈琴

上客敞前扉。鳴琴對晚暉。掩抑歌張女。淒清奏楚妃。稍視紅塵落。漸覺白

雲飛。新聲獨見賞。莫恨知音稀。

蕭撝

婦人吟

寒夜靜房櫳。孤妾思偏叢。悲生聚紺黛。淚下侵粧紅。蓄恨營心裏。含啼歸帳中。會須明月落。那忍見牀空。

王褒

古曲

青樓臨大道。游俠盡淹留。陳王金被馬。秦女桂爲鉤。馳輪洛陽巷。鬪雞南陌頭。薄暮風塵起。聊爲清夜游。

明君詞

蘭殿辭新寵。椒房餘故情。鴻飛漸南陸。馬首倦西征。寄書參漢使。銜涕望秦城。惟餘馬上曲。猶作出關聲。

盧思道

日出東南隅行

初月正如鉤。懸光入綺樓。中有可憐妾。如恨亦如羞。深情出艷語。密意滿橫眸。楚腰寧且細。孫眉本未愁。青玉勿當取。雙銀詎可留。會待東方騎。遙居最上頭。

權歌行

秋江見底清。越女復傾城。芳舟共採摘。最得可憐名。落花流寶珥。微吹動

香纓帶垂連理濕。擢舉木蘭輕。避人傳細語。因波寄遠情。誰能結錦纈。薄暮隱長汀。

有所思

長門與長信。憂思並難任。洞房明月下。空庭綠草生。怨歌裁潔素。能賦受黃金。復聞隔湘水。猶言恨桂林。悽悽日已暮。誰見此時心。

採蓮曲

曲浦戲妖姬。輕盈不自持。擎荷愛圓水。折藕弄長絲。颿動裙風入。妝銷粉汗滋。菱歌惜不唱。須待暝歸時。

夜聞鄰妓

倡樓對三道。吹臺臨九重。笙隨山上鶴。笛奏水中龍。怨歌聲易斷。妙舞態難逢。誰能暫留客。解珮一相從。

薛道衡

明君詞

我本良家子。充選入椒庭。不蒙女史進。更無畫師情。蛾眉非本質。蟬鬢改真形。專由妾命薄。誤使君恩輕。啼落渭橋路。歎別長安城。今夜寒車宿。明朝轉蓬征。却望關山迴。前瞻沙漠平。胡風帶秋月。嘶馬雜笳聲。毛裘易羅綺。氈帳代金屏。自知蓮臉歇。羞看菱鏡明。釵落終應棄。髻解不須榮。何用單于重。詎假閼氏名。駛隄聊彊食。筒酒未能傾。心隨故鄉斷。愁逐塞雲生。漢宮如有憶。爲視鹿頭星。

昔昔鹽

垂柳覆金堤。薜蘿葉未齊。水溢芙蓉沼。花飛桃李蹊。採桑秦氏女。織錦竇家妻。關山別蕩子。風月守空閨。恒斂千金笑。長垂雙玉啼。盤龍隨鏡隱。彩鳳逐帷低。飛魂同夜鵲。倦寢憶晨雞。暗牖懸蛛網。空梁落燕泥。前年過代北。今歲往遼西。一去無消息。那能惜馬蹄。

辛德源

短歌行

馳射罷金溝。戲笑上雲樓。少妻鳴趙瑟。侍妓轉吳謳。杯度浮香滿。扇舉細塵浮。星河耿涼夜。飛月艷新秋。忽念奔駒促。彌欣執燭游。

芙蓉花

洛神挺凝素。文君拂艷紅。麗質徒相比。鮮彩兩難同。光臨照波日。香隨出岸風。涉江良自遠。託意在無窮。

虞茂

衡陽王齋閣奏妓

金溝低御道。玉管正迎風。拾翠天津上。回鸞鳥路中。鏡前看月近。歌處覺塵空。今宵織女見。言是望仙宮。

松公瞻

同心芙蓉

灼灼荷花瑞。亭亭出水中。一莖孤引綠。雙影共分紅。色奪歌姬臉。香亂舞

衣風名。蓮自可念。况復兩心同。

李巨仁

和陳王詠鏡

魏宮知本姓。秦樓識舊名。鳳從臺上出。龍就匣中生。無波風自動。不夜月恒明。非惟照佳麗。復得厭山精。

張文恭

七夕

鳳律驚秋氣。龍梭靜夜機。星橋百枝動。雲路七香飛。映月回雕扇。凌雲曳綺衣。含情向華屋。流態入重闈。懽餘夕漏盡。怨結曉膠歸。誰念分河漢。還憶兩心違。

王肅

七夕

天河橫欲曉。鳳駕儼應飛。落月移粧鏡。浮雲動別衣。懽逐今宵盡。愁隨還路歸。猶將宿夕淚。更上去年機。

魏彥深

初夏應詔

雖度芳春節。物色尙餘華。出簾飛小燕。映戶落殘花。舞衫飄細縠。歌扇掩輕紗。蘭房本宜夜。不畏日光斜。

石榴

分根金谷裏。移植玉庭中。新枝含淺綠。晚萼散輕紅。影入環階水。香隨度隙風。路遠無由寄。徒念春閨空。

丁六娘

十索五首

爲性愛風光。偏憎良夜促。曼眼腕中嬌。相看無厭足。懽情不耐眠。從郎索花燭。

君言花勝人。人今去花近。寄語落花風。莫吹花落盡。欲作勝花粧。從郎索紅粉。

二八好容顏。非意得相關。逢桑欲採折。尋枝倒懶攀。欲呈纖纖手。從郎索指環。

含嬌不自轉。送眼勞相望。無奈關情絆。共入同心帳。欲防人眼多。從郎索錦障。

蘭房下翠帷。蓮帳舒鴛錦。懽情宜早暢。密意須同寢。欲共作纏綿。從郎索花枕。

僧法宣

愛妾換馬

朱鬣飾金鑲。紅粧束素腰。似雲來蹁躑。如雪去飄颻。桃花含淺汗。柳葉帶餘嬌。聘先將獨立。雙絕難俱標。

陳後主

玉樹後庭花

麗宇芳林對高閣。新妝艷質本傾城。映戶凝嬌乍不進。出帷含態笑相迎。妖姬臉似花含露。玉樹流光照後庭。

烏棲曲三首

陌頭新花歷亂生。葉裏春鳥送春情。長安游俠無數伴。白馬驪珂路中滿。金鞍向暝欲相連。玉面俱要來帳前。含態眼語懸相解。翠帶羅裙入爲解。合歡襦薰百和香。牀中被織兩鴛鴦。烏啼漢沒天應曙。只待懷抱送郎去。

長相思二首

長相思。久相憶。關山征戍何時極。望風雲。絕音息。上林書不歸。回紋徒自織。羞將別後面。還似初相識。長相思。怨成悲。蝶紫草樹繞庭絲。花飄散。飛入帷。帷中看隻影。對鏡斂雙眉。兩見同望月。兩別共春時。

獨酌謠

獨酌謠。獨酌起中宵。中宵照春月。初花發春朝。春花春月正徘徊。一尊一弦。當夜開。聊奏孫登曲。仍斟畢卓杯。羅綺徒紛亂。金翠轉遲回。中心本如水。凝志更同灰。逍遙自可樂。世語世情哉。

徐陵

長相思二首

長相思。望歸難。傳聞奉詔戍皋蘭。龍城遠。雁門寒。愁來瘦轉劇。衣帶自然

寬念君今不見。誰爲抱腰看。
長相思。好春節。夢裏恆啼悲不洩。帳中起。窗前髻。柳絮飛還聚。游絲斷復
結。欲見洛陽花。如君隴頭雪。

烏棲曲

卓女紅妝期此夜。胡姬沽酒誰論價。風流荀令好兒郎。偏能傳粉復薰香。
沈君攸

薄暮動弦歌

柳谷向夕沉餘日。蕙樓臨砌徙斜光。金戶半入叢林影。蘭徑時飄落蕊香。
絲繩玉壺傳綺席。秦箏趙瑟響高堂。舞裙拂履喧珠珮。歌響出扇繞塵梁。
雲遶雪飛弦柱促。留賓但願羅袖長。日暮歌鐘恆不倦。處處行樂爲時康。
張正見

賦得佳期竟不歸

良人萬里向河源。倡婦三秋思柳園。路遠寄書空織錦。宵長夢返欲驚魂。
飛蛾屢繞帳前燭。衰草還侵階上玉。含啼拂鏡不成妝。促柱繁弦還亂曲。
時念年移竟不歸。偏憎寒急夜縫衣。流螢映月明空帳。疎葉從風入斷機。
自對孤鸞向影絕。終無一雁帶書飛。

陸瓊

長相思

長相思。久離別。一罷鴛文綺薦絕。鴛已去。柳堪結。室冷鏡凝冰。庭幽花似

雪容須朝朝改。書字看看減。

江總

東飛伯勞歌

南飛烏鵲北飛鴻。弄玉蘭香時會同。誰家可憐出窗牖。春心百媚勝楊柳。銀牀金屋掛流蘇。寶鏡玉釵橫珊瑚。年時二八新紅臉。宜笑宜歌羞更斂。風花一去杳不歸。祇爲無雙惜舞衣。

宛轉歌

七夕天河白露明。八月濤水秋風驚。樓中恒聞哀響曲。塘上復有辛苦行。不解何意悲秋氣。直置無秋悲自生。不怨階前促織鳴。偏愁別路擣衣聲。別燕參差自有返。離蟬寂寞詎含情。雲聚懷情四望臺。月冷相思九重觀。欲題芍藥詩不成。來採芙蓉花已散。金尊送曲韓娥起。玉柱調弦楚妃歎。翠眉結恨不復開。寶髻迎秋度前亂。湘妃拭淚灑貞筠。莢藥浣衣何處人。步步香飛金薄履。盈盈扇掩珊瑚脣。已言採桑期陌上。復能解佩就江濱。競入華堂要花枕。爭開羽帳奉華茵。不惜獨眼前下釣。欲許便作後來新。後來瞑瞑同玉牀。可憐顏色無比方。誰能巧笑特窺井。乍取新聲學繞梁。宿處留嬌墮黃珥。鏡前含笑弄明璫。採蔬摘心心不盡。菜萸折葉葉更芳。已聞能歌洞簫賦。詎是故愛邯鄲倡。

烏棲曲

桃花春水木蘭橈。金羈翠蓋聚河橋。隴西上計應行去。城南美人啼著曙。

長相思二首

長相思。久離別。征人去遠芳音滅。湘水深。隴頭咽。紅羅斗帳裏。綠綺清弦絕。逶迤百尺樓。愁思三秋結。
長將思。久別離。春風送燕入簷窺。暗開脂粉弄花枝。紅樓千愁色。玉箸兩行垂。心心不相照。望望何由知。

梅花落

臘月正日早驚春。衆花未發梅花新。可憐芬芳臨玉臺。朝攀晚折還復開。長安少年多輕薄。兩雨共唱梅花落。滿酌金卮催玉柱。落梅樹下宜歌舞。金谷萬株連綺薨。梅花密處藏嬌鶯。桃李佳人欲相照。摘葉牽華來共笑。楊柳條青樓上輕。梅花色白雲中明。橫笛短簫淒復切。誰知柏梁聲不絕。

雜曲三首

行行春徑薜蘿綠。織素那復解琴心。乍愜南階悲綠草。誰堪東陌怨黃金。紅顏素月俱三五。夫婿何在今追虜。關山隴月春雪冰。誰見人啼花照戶。殿內一處起金房。便勝餘人白玉堂。珊瑚掛鏡臨網戶。芙蓉作帳照雕梁。房櫳宛轉垂翠幕。佳麗逶迤隱珠箔。風前花管颺難留。舞處花鈿低不落。陽臺通夢太非真。洛浦凌波復不新。曲中唯聞張女調。定有同姓可憐人。但願私情賜斜領。不願傍人來相並。妾門逢春自可榮。君面未秋何意冷。泰山言應可轉移。新寵不信更參差。合懽錦帶鴛鴦鳥。同心綺袖連理枝。皎皎新秋明月開。早露飛螢暗裏來。鯨燈落花殊未盡。虬水銀箭莫相催。

非是神女期河漢。別有仙姬入吹臺。未眠解著同心結。欲醉那堪連理杯。
後宮不愜茱萸芳。夜夜爭開蘇合房。寶釵翠鬢還相似。朱唇玉面非一行。
新人未語言如繹。新寵無前判不藏。願奉更衣蘭麝氣。恐君馬到自驚香。

怨詩二首

採桑歸路河流深。憶昔相期柏樹林。奈許新嫌傷妾意。無由故劍動君心。
新梅嫩柳未障羞。情去恩移那可留。團扇篋中言不分。纖腰掌上詎勝愁。

閨怨

寂寂青樓大道邊。紛紛白雪綺窗前。池上鴛鴦不獨自。帳中蘇合遠空然。
屏風有意障明月。燈火無情照獨眠。遼西冰凍春應少。薊北雁來路幾千。
望君關山及早度。念妾桃李片時妍。

姬人怨

天寒海水慣相知。空牀明月不相宜。庭中芳桂顛顛葉。井上疎桐零落枝。
寒燈作花羞夜短。霜雁多情恆結伴。非爲隴水望秦川。直置思君腸自斷。
薄命夫婿好神仙。逆愁高飛向紫烟。金丹欲成猶百鍊。玉酒新熟幾千年。
妾家邯鄲好輕薄。特忿仙童一丸藥。自悲行處綠苔生。何悟啼多紅粉落。
莫輕少婦狎春風。羅襪也得步河宮。雲車欲駕應相待。羽衣未去幸須同。
不學簫史還樓上。會逐姮娥戲月中。

內殿賦新詩

兔影脉脉照金鋪。虬水滴滴瀉玉壺。綺翼雕甍翳雲漢。虹梁紫柱麗黃圖。

風高暗綠凋殘柳。雨歇芳紅溼晚笑。三五二八佳年少。百萬千金買歌笑。偏著故人織素詩。願奏秦聲採蓮調。織女今夕渡銀河。當見新秋停玉梭。

新寵美人二首

後宮唯聞莫瓊樹。絕世復有宋容華。皆自爭名進女弟。定覺雙飛勝蕩家。願並迎春比翼燕。長作照日同心花。聞道艷歌時易調。忖許新恩那久要。翠眉未盡自生愁。玉臉含啼還似笑。角枕千嬌薦芬香。若使琴心一曲奏。幽蘭度曲不可終。陽臺夢裏自應通。秋樹相思一枝綠。爲插賤妾兩鬟中。洛浦流風漾淇水。秦樓初日度陽臺。玉軼輕輪五香散。金燈夜火百花開。非是妖姬渡江日。定言神女隔河來。來時向月別嫦娥。別時清吹悲簫史。數錢拾翠爭佳麗。拂紅點黛何相似。本持纖腰惑楚宮。暫回鸞袖驚吳市。新人羽帳掛流蘇。故人網戶織蜘蛛。梅花柳色春難偏。情來春去在須臾。不用庭中賦綠草。但願思著弄明珠。

蕭渚

長相思

長相思。久離別。新燕參差條可結。壺關遠。雁書絕。對雲恆憶陣。看花復愁雪。猶有望歸心。流黃未剪裁。

顧野王

艷歌行二首

燕姬妍。趙女麗。出入王宮公主第。倚鳴瑟。歌未央。調弦八九弄。度曲兩三

章。唯欣春日永。詎愁秋夜長。歌未央。倚鳴瑟。輕風飄落蕊。乳燕巢蘭室。結羅帷。翫朝日。窗開翠幔卷。妝罷金星出。爭攀四照花。競戲三條術。齊倡趙女盡妖妍。珠簾玉砌併神仙。莫笑人來最落後。能使君恩得度前。豈知洛渚羅塵步。詎減天河秋夕渡。妖姿巧笑能傾城。那思他人不憎妬。蓮花藻井推芰荷。採菱妙曲勝陽阿。

王璩

長相思

長相思。久離別。兩心同憶不相徹。悲風淒。愁雲結。柳葉眉上消。菱花鏡中滅。雁封歸飛斷。鯉素還流絕。

徐伯陽

日出東南隅行

丹城壁日映朱扉。青樓含照本暉暉。遠映陌上春桑葉。斜入秦家細綺衣。羅敷妝粉能佳麗。鏡前新梳倭墮髻。圓籠裊裊掛青絲。鐵鉤冉冉勝丹桂。蠶餒日晚暫生愁。忽逢使君南陌頭。五馬停珂遣借問。雙臉含嬌特好羞。妾墮府中輕小吏。卽令來往專城裏。欲識東方千騎歸。藹藹日暮紅塵起。

岑之敬

烏棲曲

驄馬直去沒浮雲。河渡冰開兩岸分。烏藏日暗行人息。空棲隻影長相憶。明月二八照花新。當鑪十五晚留鬢。

傅緯

雜曲

新人新寵住蘭堂。翠帳金屏玳瑁梁。叢星不似珠簾色。度月還如粉壁光。從來著名推趙子。復有丹脣發皓齒。一嬌一態本難逢。如畫如花定相似。樓臺宛轉曲皆通。弦管逶迤徹下風。此殿笑語長相共。傍省歡娛不復同。訝許人情太厚薄。分恩賦念能斟酌。多作繡被爲鴛鴦。長弄綺琴憎別鶴。今人投寵要須堅。會使歲寒恆度前。共取辰星作心抱。無轉無移千萬年。

魏收

挾琴歌

春風宛轉入曲房。兼送小苑百花香。白馬金鞍去未返。紅粧玉筍不成行。

王褒

日出東南隅行

曉星西北沒。朝日東南隅。陽窗臨玉女。蓮帳照金鋪。鳳樓稱獨立。絕世良所無。鏡懸四龍網。枕畫七星圖。銀鞍明光帶。金地織成襦。調弦大垂手。歌曲鳳將雛。採桑三市路。賣酒七條衢。道逢五馬客。夾轂來相趨。將軍多事藝。夫婿好形模。高箱照雲母。壯馬飾當鑪。單衣火浣布。利劍水精珠。自知心所愛。仕官執金吾。飛甍彫翠羽。繡桷畫屠蘇。銀燭附彈映雞羽。黃金步搖動襜褕。兄弟五日時來歸。高車竟道生光輝。名倡兩行堂上起。鴛鴦七十階前飛。少年任俠輕年月。疾丸出彊途難追。

燕歌行

初春麗日鶯欲嬌。桃花流水沒河橋。薔薇花開百重葉。楊柳拂地數千條。隴西將軍號都護。樓蘭校尉稱嫖姚。自從昔別春燕分。經年一去不相聞。無復漢地長安月。惟有漠北薊城雲。淮南桂中明月影。流黃機上織成文。充國將軍屢築營。陽史討虜陷平城。城下風多能却車。沙中雪淺詎停兵。屬國少婦猶年少。羽林輕騎散征行。遙望陌頭采桑曲。猶勝邊地胡笳聲。胡笳向暮使人泣。還使閨中空佇立。桃花落。杏花舒。桐生井底寒葉疎。試爲來看上林雁。必有遙寄隴頭書。

高句驪

蕭蕭易水生波。燕趙佳人自多。傾盃覆盃催催。垂手奮神娑娑。不惜黃金散盡。惟餘白日蹉跎。

隋煬帝

白紵歌二首

東宮春

洛陽城邊朝日輝。天淵池前春燕歸。含露桃花開未飛。臨風楊柳自依依。小苑花紅洛水綠。清歌宛轉繁弦促。長袖逶迤動珠玉。千年萬歲陽春曲。

江都夏

梅黃雨細麥秋輕。楓樹蕭蕭江水平。飛樓倚觀軒若驚。花簾羅帷當夏清。菱潭落日雙鳬舫。綠水紅妝兩搖漾。還似扶桑碧海上。誰肯空歌採蓮唱。

盧思道

從軍行

朔方烽火照甘泉。長安飛將出祁連。犀渠玉劍良家子。白馬金羈俠少年。
平明掩月屯右地。薄暮魚麗逐左賢。谷中石虎經銜箭。山上金人曾祭天。
天涯一去無窮已。薊門迢遞三千里。朝見馬嶺黃沙合。夕望龍城陣雲起。
庭中奇樹已堪攀。塞外征人殊未還。白雲初下天山外。浮烟直向五原間。
關山萬里不可越。誰能坐對芳菲月。流水本自斷人腸。堅冰舊來傷馬骨。
邊庭節物與華異。冬霰秋霜春不歇。長風蕭蕭渡水來。歸雁連連映天末。
從軍行。軍行萬里出龍庭。單于渭橋今已拜。將軍何處覓功名。

薛道衡

豫章行

江南地遠接閩甌。東山英妙屢經游。前瞻疊嶂千重阻。却帶驚湍萬里流。
楓葉朝飛向京洛。文魚夜過歷吳洲。君行遠度茱萸嶺。妾住長依明月樓。
樓中愁思不開頻。始復臨窗望早春。鴛鴦水上萍初合。鳴鶴園中花併新。
空憶常時角枕處。無復前日畫眉人。照膏金環誰用許。見膽明鏡自生塵。
蕩子從來好留滯。况復關山遠迢遞。當學織女嫁牽牛。莫學婦娥叛夫婿。
偏訝思君無限極。欲罷欲忘還復憶。願作王母三青鳥。飛去飛來傳消息。
豐城雙劍昔曾離。經年累月復相隨。不畏將軍成久別。只恐封侯心更移。

辛德源

東飛伯勞歌

合歡芳樹連理枝。荆王神女乍相隨。誰家妖艷蕩輕舟。含嬌轉眄聘風流。犀棹蘭橈。翠羽葢。雲羅霧縠。蓮花帶。女兒年幾十六七。玉面新粧映朝日。落花從風俄度春。空留可憐何處新。

虞茂

白紵歌二首

江都夏

長洲茂苑朝夕池。映日含風結細漪。坐當伏檻紅蓮披。雕軒洞戶青蘋吹。輕幌芳烟鬱金馥。綺簷花簾桃李枝。蘭若翡翠恒相逐。桂樹鴛鴦恒並宿。

長安秋

露寒臺前曉露清。昆明池水秋色明。搖環動珮出層城。鸛弦鳳管奏新聲。上林蒲桃合縹緲。甘泉奇樹上蔥青。玉人當歌理清曲。婕妤恩情斷還續。

陳後主

自君之出矣

自君之出矣。房空羅帳輕。思君如晝燭。懷心不見明。

舞媚娘

淇水變新臺。春蠶當夏開。玉面含羞出。金鞍排夜來。

許儼

破扇

蔽日無全影。迎風有半涼。不堪障巧笑。猶足動衣香。

張正見

明君詞

塞樹暗胡塵。霜樓明漢月。淚染上春衣。憂變華年髮。

江總

長安九日

心逐南雲去。身隨北雁來。故園籬下菊。今日爲誰開。

賈馮吉

自君之出矣

自君之出矣。紅顏轉憔悴。思君如明燭。煎心且銜淚。

蕭琳

隔壁聽妓

徒聞弦管切。不見舞腰回。唯有歌梁共。塵飛一半來。

陳叔達

詠空鏡臺

卽今妝飾廢。凋零衢路閒。婦娥與明月。相共落關山。

殷謀

日出東南隅行

秦樓出佳麗。正值朝日光。陌頭能駐馬。花處復添香。

虞茂

陳後主

許侃

張正見

江總

賈馮吉

蕭琳

陳叔達

殷謀

二九

陳少女

寄夫

自君上河梁。蓬首臥蘭房。安得一尊酒。慰妾九回腸。

馮淑妃

感琵琶弦

雖蒙今日寵。猶憶昔時憐。欲知心斷絕。應看膠上弦。

周明帝

詠摘花

玉腕承花落。花落腕中芳。酒浮花不沒。花含酒更香。

隋煬帝

江陵女歌

雨從天上落。水從橋下流。拾得娘裙帶。同心結兩頭。

喜春游歌二首

禁苑百花新。佳期游上春。輕身趙皇后。歌曲李夫人。
步緩知無力。臉慢動餘嬌。錦袖淮南舞。寶袿楚宮腰。

春江花月夜

暮江平不動。春花滿正開。流波將月去。潮水共星來。
夜露含花氣。春潭瀆月輝。漢水逢游女。湘川值雨妃。

薛道衡

人日思歸

入春當七日。離家已二年。人歸落雁後。思發在花前。
何妥

明君詞

昔聞別鶴弄。已自軫離情。今來昭君曲。還悲秋草生。
陳伯材

七夕看新婦隔巷停車

隔巷遙停幃。非復爲來遲。只言更尙淺。未是渡河時。
詠春雪

光映粧樓月。花承歌扇風。欲妬梅爭柳。故落早春中。
李月素

贈情人

感郎千金意。含嬌抱郎宿。試作帷中音。羞開燈前目。
羅愛愛

閨思

幾當孤月夜。遙望七香車。羅帶因腰緩。金釵逐鬢斜。
秦玉鸞

憶情人

蘭幕蟲聲切。椒庭月影斜。可憐秦館女。不及洛陽花。

蘇蟬翼

因故人歸作

郎去何太速。郎來何太遲。欲借一尊酒。共敘十年悲。

張碧蘭

寄阮郎

郎如洛陽花。妾似武昌柳。兩地惜春風。何時一攜手。

仿古字版

十八家詩鈔

會國藩選纂 精裝二冊

曾滌生先生。邃於詩學。本書爲其手纂。入選之詩。俱出自名家。如曹（子建）陶（淵明）李（太白）杜（工部）韓（昌黎）白（香山）蘇（東坡）陸（放翁）等均爲各時代之代表作品。體製分五古、七古、五律、七律、七絕等。計共六千餘首。蔚然大觀。家戶傳誦。全書用仿古字體排印。都一千餘頁。圈句易讀。世之愛好詩學者。此爲必須精讀之書。

價洋二元四角

郵費掛號
一角五分半

世界書局發行

中華民國二十四年十一月再版

玉臺新詠附續集（全一冊）

定價，大洋九角

（外埠酌加運費）


出版者 國學整理社

發行者 世界書局

印刷者 世界書局

上海大連路

發行所 上海及各省 世界書局



47
只半

1